

DECLARATION

DV ROY, EN FAVEUR
des Princes, Ducs, Pairs, Offi-
ciers de la Couronne, Sei-
gneurs, Gentils-hommes &
autres qui s'estoient esloignez
de sa Majesté.

*Donnée au Bois de Vincennes au mois de May 1617.
& publiée à Paris en Parlement le 12.
desdits mois & an.*



A PARIS,
Par A. ESTIENE, Premier Imprimeur &
Libraire ordinaire du Roy, rue S. Iacques
au College Royal, deuant S. Benoist.

M. DC. XLIV.
Avec Privilege de sa Maiefté.

DECLARATION

DU ROY EN FAVEUR

des Princes, Ducs, Pairs, Offi-
ciers de la Couronne, & de
Gentils-hommes &
autres qui s'estoient esloignes
de la Majesté.

Donné au Palais National le premier jour de Mars l'an
de la Liberté & de l'Égalité la 1^{re}.
Lecteur de la Bibliothèque de la Ville de Paris.



A PARIS, Chez A. BARRIS, Libraire, Palais National, ci-devant des
Lettres, ci-devant du Roy, vis-à-vis la
Bibliothèque de la Ville de Paris.

MDCCXCVI
Paris le 1^{er} Mars l'an de la Liberté & de l'Égalité.



O VIS PAR LA GRACE DE
DIEV ROY DE FRANCE
ET DE NAVARRE, A tous
presens & à venir, Salut. La
prompte obeïssance qu'ont rendu
à nos commandemens depuis la

mort du Marechal d'Ancre, les Princes, Ducs,
Pairs, Officiers de nostre Couronne, Seigneurs,
Gentils-hommes, Officiers de nos Cours souue-
raines, & tous ceux qui les auoient assiste, con-
tre lesquels nous auions decerné nos Lettres pa-
tentes des mois de Ianuier & Feurier derniers,
Nous a fait assez connoistre que le seul desir de
leur conseruation, & d'empescher la ruine qui
leur estoit procurée par les insolens, violens
& pernicieux desseins dudit Marechal d'Ancre,
les auoit contrainsts à s'esloigner de nous, & cher-
cher leur seureté dans les armes, bien qu'illicites,
dautant que ledit Marechal se seruoit, contre
nostre intention, de nos forces pour les opprimer.
Mais comme il a esté de nostre dignité de decer-
ner nos Lettres de Declaration à l'encontre
d'eux, lors qu'ils commettoient des actions con-
traires à leur deuoir, au lieu d'attendre Iustice
de nous : Maintenant que nous sommes asseu-
rez de leur fidelité, & qu'ils nous ont fait recon-
noistre que la seule necessité de leur conserua-
tion, les auoit portez à s'associer seulement pour
s'opposer aux violences dudit Marechal : & que

nous auons esté suffisamment informez de leur part, de leurs bonnes intentions enuers Nous & nostre Royaume, & du desir qu'ils ont d'employer leurs vies pour en accroistre la grandeur, & maintenir nous & nostre autorité : Et qu'ils sont grandemēt desplaisans d'auoir leuē des gens de guerre, arreité & prins nos deniers, imposé sur nostre peuple des contributions, & fait trauailler aux fortifications des places qu'ils tenoient, nos subjets à coruées : Ce qu'ils nous ont protesté qu'ils n'eussent iamais entrepris, & moins de faire entrer des estrangers dans nostre Royaume, s'ils n'y eussent esté contraints, pour éuiter la ruine & desolation entiere d'eux & de leurs familles : Il est de nostre clemence & Royale bonté, en les traitant fauorablement, de leur pardonner les fautes qu'ils peuuent en cela auoir commises, & de les reſtablir dans les charges, honneurs & dignitez qu'ils possedoient auparauant: puis que d'ailleurs cela peut seruir pour affermir en nostre Royaume la Paix tant necessaire & desirée des gens de bien. C'est pourquoy apres auoir mis cēt affaire en deliberation en nostre Conseil, où estoient aucuns Princes de nostre Sang, autres Princes, Ducs, Pairs, Officiers de nostre Couronne, & principaux de nostredit Conseil: Sçauoir faisons, que de l'aduis d'iceluy, & de nostre certaine science, plaine puissance & autorité Royale, Nous auons dit & déclaré, disons & declarons par ces presentes signées de nostre main, *Que* nous tenons lesdits Princes, Ducs, Pairs, Officiers de nostre Couronne, & tous ceux qui les ont

assiste^z, pour nos bons & loyaux subjets & serui-
 teurs; Voulons & entendons la memoire de tout
 ce qui est arriué en ces derniers mouuemens pour
 les faits cy-dessus specifiez, & autres concernans
 ladite leuée d'armes & actes d'hostilité, demeurer
 du tout esteinte & abolie, comme nous l'estei-
 gnons & abolissons par cesdites presentes : à la
 charge qu'à l'aduenir ils se contiendront dans les
 bornes du respect qu'ils nous doiuent, & ren-
 dront l'obeissance qu'ils sont tenus à nos com-
 mandemens; Et que dès à present ils renonceront
 à toutes ligues & associatiōs qu'ils peuuent auoir
 faites entr'eux, & autres nos subjets ou estran-
 gers, tant dedans que hors le Royaume, de quel-
 que condition qu'ils puissent estre : & generale-
 ment s'acquitteront du deuoir de bons & fideles
 subjets & seruiteurs, à quoy leur naissance les
 oblige : & moyennant cē, nous les auons reſtablis
 & reſtabliſſons en tous & chacuns leurs biens,
 meubles & immeubles, honneurs, dignitez, char-
 ges, Estats, Offices & pensions, desquels nous
 leur donnons pleine & entiere main-leuée, leuons
 & oſtons à cette fin toutes ſaiſies ſur iceux. Vou-
 lons & entendons qu'ils jouiſſent de nos graces,
 faueurs, bien-faits, honneurs & Gouuernemens;
 & exercent leurs charges & Offices, ainſi qu'ils
 faiſoient auparauāt, ſans qu'ores & à l'aduenir ils
 y poiſſent eſtre troublez ny empeschez, en quel-
 que ſorte & maniere que ce ſoit: Impoſant ſur ce
 ſilence à nos Procureurs Generaux, leurs Subſti-
 tuts preſens & à venir, & tous autres, nonobſtant
 toutes Declarations, interdictiōs, & autres Let-

tres patentes qui ont esté cy-deuant par nous decernées & publiées en nos Parlemens au contraire : Lesquelles nous auons reuocquées & reuocquons, déclarées & declaron nulles, & de nul effet & valeur ; & tout ce qui s'est fait en execution d'icelles : lesquelles pour cét effet de nostre grace speciale, nous voulons estre ostées & tirées des registres de nos Cours de Parlemens. Tenons en outre quittes & deschargez ceux qu'ils ont commis aux manimens de nos deniers, & autres qu'ils pourroient auoir imposez & actuellement touchez, pouruë que dans six semaines apres la publication des presentes ils rapportent en nostre Chambre des Comptes double de leurs Estats, arrestez & signez par l'un desdits Princes & Ducs ; & pareillement des bois qu'ils peuuent auoir coupez & enleuez de nos Forests. Voulons aussi que nos Edicts & Declaratiōs cy-deuāt faits pour la Pacification des troubles de nostre Royaume, mesmes celuy de Blois, en suite & consequence du Traitté de Loudun, soient inuiolablement executez, gardez & obseruez de poinct en poinct selon leur forme & teneur, & que sous l'autorité & benefices d'iceux, tous nos subjets, tant Catholiques que de la Religion pretendue reformée, viuēt desormais en bonne paix, vnion & intelligence sous nostre obeissance, sans qu'ils se fassent les vns aux autres aucuns reproches pour raison des choses passées. SI DONNONS EN MANDEMENT à nos amez & feaux Conseillers les gens tenans nos Cours de Parlemens, Chambres de nos Comptes, Baillifs, Seneschaux, Iuges,

ou leurs Lieutenāns, & à tous nos autres Iusticiers
& Officiers qu'il appartiendra, chacun endroit
soy, que ces presentes ils verifient & facent lire,
publier, garder & obseruer selon leur forme & te-
neur. Et afin que ce soit chose ferme & stable à
tousiours, nous auons fait mettre nostre seal à
cesdites presentes : CAR tel est nostre plaisir.
DONNE au Bois de Vincennes au mois de May,
l'an de grace 1617. Et de nostre regne le septième.

Signé,

LOVIS.

Et sur le reply,

Par le Roy,
DE LOMENIE.

Et à costé est escrit,

VISA.

Et seellées du grand seal de cire verte sur lacs de
soyerouge & verte.

*Leuës, publiées & registrées, ouy & ce requerant le
Procureur General du Roy: ordonné que copies colla-
tionnées seront enuoyées aux Bailliages & Senes-
chaussées, pour y estre leuës, publiées & registrées à la
diligence des Substituts dudit Procureur General, qui
la certifieront auoir ce fait au mois, à peine d'en res-
pondre en leur nom. A Paris en Parlement le don-
zième May mil six cens dix-sept.*

Signé,

DV TILLET.

